

مطبعه و محل اداره :

جغسال اوغلنده امنيت
صندوغی جوارنده
شنکول يقوشنده
۲۲ نومرو

مشتاقنامه

۱۳۲۶

اخطار :

مسلكمزه موافق آثار
جدیده مع الممنونیه
قبول اولنور

درج ایدله یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، و سیاست و بالخاصه احوال و شئونه اسلامیه و بحث ایدرو هفته ده بر نشر اولنور .

آبونه بدلی

صاحب و مؤسسلری :

درسعادتده نسخه سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلانی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

آلتنجی جلد

۱۳ ربیع الاخر پنجشنبه ۳۱ مارت ۳۲۶

عدد : ۱۳۶

ایدیلن سیاحتلر ائناسنده غریبه ، خارقه اطلاق اولونه جق برشیته تصادف ایدمه دم . فقط اوراده . . . کونشک طلوعیدن اول هر طرفی ، هر سوقاغی ایش آدماری ایله دولدوران ، تحت الارض ، فوق الارض وروی ارضه بیک درلو وسائط نقلیه ایله ایش-جیلر ، متشبت آدمار نقل ایدن او مملکتده نه کوردمسه هپسی بکا خارقه کلدی . فنونی نه درجه ترقی ایللمشسه صنایعه ده عین موقفیتله تطبیق ایدیلمش ؛ علوم اقتصادی نه بویوک ترقیلره مظهر اولمشسه ، بو علم ایله عامل اوله جق ، مملکتی ترقی ایتدیره جک ، فقر و ضرورتی احیا ایدمه جک او قدرده ایش آدمارینه مالک اولمش . . . فنون زراعیه نك ترقیسی نسبتنده چفتجیلرده ایلرله مشر . کیری قالمش ، نظره عادی کورونه جک بر شی یوق . . . بو قدر علوم و فنون و ترقیات فکریه ایچنده ایشته مورمونلق کی اویدورمه دینلرکده یربولسی وایلرله مک استعدادینه مالک اولمه سی ، سویلدیکم کی حقیقه غریبه دینلرکده لایق دگلی در ؟ ...

مناسیر ۲۳ مارت سنه ۱۳۲۷

ادهم نژاد

عبدالله اخیسقه وی :

(ابر محمد عبده ضیاء الدین اخیسقوی)

متأخرین علماء عثمانیه دن ذوفنون ، فاضل برذات معارفیات اولوب (۱۱۴۶) تاریخنده (آخسقه) نواحیسنندن (اوزغور) ناحیه سنك (اورپالا) قریه سنده مهد آرای عالم شهود اولمشدر . زمان صباوتنده علمادن بولنان پدریله برابر (شام) ه کیده رک بر مدت (صالحیه) ده اقامت و بو اقامت ائناسنده علوم ابتدائیه تحصیلنه مبادرت ایلوب ینه برلکده وطنه عودتله پدرندن مع تجوید قرآن کریم و علوم آلیه تعلم ایلدی . پدرینک وفاتندن صکره (قارص) ه کیده رک مشاهیر فضالادن (اسماعیل بن محمد برکشادی) دن علم اصول فقه و علم حدیث قرائتله معلمی طرفندن (ضیاء الدین) لقبی آله رق اجازت آلدی . بر آرز صکره (ارضروم) ه رحلت و علماء بلده ایله مصاحبت ایلوب (دیاربکر) ه عزیمتله فحول علمادن (کوچک احمد زاده ابی بکر) افندیدن صحیح بخاری و مختصر (ابن حاجب) و (بوزجی زاده عمر) افندیدن علم تفسیر و عروض ایله فنون ریاضیه دن حساب ، هندسه ، حیقات (اصول ارتقا) اوقویه رق بوندن اخذ اجازه موفوق اولدی . بعده استادی عمر افندیکنک فضلالی مصردن شیخ عبدالسلام ارزنجانییه خطاباً یازیلان مکتوبخی حامللاً (مصره کیده رک فاضل مشارالیه دن بخاری ، اصول حدیث ، درر الاحکام ، علم قرائت و سائر اوقویه رق اصولی دأرهمسنده تکمیل نسخ ایلدی و (۱۱۷۵) تاریخنده (استانبول) ه کله رک بر طرفدن نشر علومه ، بر طرفندن تالیف آثاره باشلادی .

بر آرائق ادرنه طریقیله بوسنه قطعه سنه سیاحتله ایکی سنه دوام

قله سی موجوددر . کلیسانک حین ائناسنده مصرفدن هیچ چکینلماش بوتون ترتیباتنه فوق العاده اعتنا اولومشدر . انشاء آتده اک چوق جسیم غرانیست ستونلری ، لوحه لری استعمال ایدیللمشدر . کلیسانک غریبنده « تابر ناقل » تسمیه ایدیلن بویوک بر دأرهمسی واردرکه تام یکریمی قبوسی واردر . بونک دروننده کی زواره مخصوص صندالیلر اون بیک کشیکدر . مورمونلر بوراده اجتماع ایدمه رک وعظ و نصیحت ایدرلر . بو کلیسانک مصارف انشائییه سی درت ملیون دیولاریغی بر ملیون لیرای عثمانی در .

مورمون کلیساننه کیرمک جائز اوله ماز اساساً مورمونلر کرک مورمونلری و کرک یبانیجیلری کلیسایه داخل اولمقدن منع ایللمشدر . کلیسایه کیرمک بر چوق شرائط ، اساس و قوانینه تابعدر . کلیسائی سیر ایتک ایستین زواری کزدریمک تخصیص ایدیلن ذوات خارجدن کلیسائی دولاشدیرر و لازمکن معلوماتی اعطا ایدر . یالکیز یوقاریده سویلدیکمز تابر ناقل Tabernacle دأرهمسنه کیرمک ممکن در . اساساً بوراسی کوروله جک بریردر . کلیسایه متصل یرده (آسسامبلی حول) دینلن مذهب رؤسا و مأمور و کاتبلرینه مخصوص محشم بر اداره دأرهمسی و قلم او طه لری موجوددر .

مورمونلرک اکثریسی امریقا ده طوغمش و آمریقا تبعه سیدرلر . واشینگتون ده آمریقا مجلس مبعوثاننده ایکی مبعوثلری واردرکه مورمون حقوقی مدافعه ایدرلر . هر مورمون سنوی قازاندیغنک یوزده اونتی کلیسایه ، جهت دینییه ترک آیلر ؛ کیم بو پاره یی تأدیه ایله ن و وظیفه سنی بیلیمز ایسه مورمون عدا ایدیلیمز .

مورمونلر پک زنکین در . بو زنکینلک لری ایله برابر غایت چالیشیرلر و مورمونلرک ترقیسی اسبابی دوشونورلر . مورمونلره عائد بیوک بیوک اوتلر ، غازیولر ، عقارات ؛ غزته لر موجوددر ؛ بونلرک بوتون حاصلاتی کلیسانکدر .

کلیسا جوارنده بر چوق دکان واردرکه مورمونلرکدر ؛ مورمونلر بوتون آلیش و یریشلرینی بو دکاندن یابار ؛ عادتاً بر قوئوپه راتیف شرکت کییدر . مورمونلرک بر چوق تجارتخانه لرندن باشقه برده معامله سی واسع بانقله لری بولمقددر .

رؤسای روحانیه نک حیات و افکاری غریبدر . آلآن مرکزده بر حلیفه سی ایله ایکی مستشاری و اون ایکی دانه اعضای روحانیسی اولوب ، بونلر مورمونلرک اک ایلری کلنریدر . بو هیئت کلیسا دروننه کیرمک هر زمان مأذوندر . بونلرک بشقه کیسه کلیسایه داخل اوله ماز . سنه ده ایکی دفعه نیشان و تشرین اولده بویوک اجتماعلر وقوعبولور . زنکینلرک نکاحنده بالخاصه خلیفه نکاحی عقد ایتک ایچون موقع روحانیسی اشغال ایدر . نکاح ائناسنده زوج و زوجه کلیسایه داخل اوله بیلیر ، کلیسایه بویله داخل اوله بیلیمک مورمونلرجه بویوک بر ثواب ، بویوک بر مسئله در .

حیاتده بکا اک بویوک غریبه لری ، خارقه لری آمریقا احساس ایلده ی . بیلیم ، اوروپائی آثاریله طانیدیغمز دئمیدر ، نه دن ، اوروپاده

ابواب وفصول اعتباريله يدى باب اوزره مرتب اولان برنجى
جلد مندرجاتك فهرسى :

(برنجى باب)

مباحث علمه دائر اولوب اوج فصلدر :

برنجى فصل : مناقب العلم وفضائل اهله .

ايكنجى فصل : كشف العلم وبيان ماهيته وتقسيمه .

اوجنجى فصل : اسماء العلوم والفنون .

(الينجى باب)

اولى العلم وذوى العقوله دائر اولوب ايكنى فصلدر :

برنجى فصل : مباحث الملكة وبيان اصنافهم .

ايكنجى فصل : مباحث الجن والشیاطین

اورنجى باب

مباحث انسانه دائر اولوب اوج فصلدر :

برنجى فصل : مباحث النفس الناطقة وقوى الانسانية

ايكنجى فصل : مباحث بدن الانسان وبيان كيفية تركيبه وعجايبه

اوجنجى فصل : مباحث اصناف الانسان وبيان تفرقهم فى الاقطار الارض

دردنجى باب :

فلکیات ايله طبقات الافلاك وعناصره دائر اولوب درت

فصلدر :

برنجى فصل : بيان فلك الافلاك والعرش والكرسى .

ايكنجى فصل : بيان فلك الكواكب الثوابت والبروج الاتى

عشر ومنازل القمر .

اوجنجى فصل : الكواكب السبعة السيارة .

دردنجى فصل : مباحث الزمان وحركة الافلاك .

بشنجى باب :

عنصريات ايله كرات العناصره دائر اولوب درت فصلدر :

برنجى فصل : كرة النار واحوالها .

ايكنجى فصل : كرة الهواء .

اوجنجى فصل : كرة الماء .

دردنجى فصل : كرة الارض :

التنجى باب :

اقليم حقيقت وعرضيه دائر اولوب ايكنى فصلدر :

برنجى فصل : خط استواء .

ايكنجى فصل : اقليم سبعة .

برنجى باب :

مركبات عنصرية دائر اولوب اوج فصلدر :

برنجى فصل : معدنيات وكيفية تكوناتهم .

ايكنجى فصل : نباتات .

اوجنجى فصل : حيوانات . بروسه مبعوثى

محمد طاهر

ايدن بوسياحتى اثناسنده و (١١٨١) تاريخنده اكبر مؤلفاتى اولوب
تفصلى آتيد مندرج (رواميزالاعيان) نى تأليفه مباشرت ايتدى .
بعدالسياحه استانبوله عودت وفريضة حج شريفى ايفا مقصديله شام
قدس طريقيله حرمين شريفينى زيارتدن صكره (استانبول) ه معاودتله
ساكن اولدينى (آياصوفيه) مدرسه سنده و (١١٩١) تاريخنده
مارالبيان (رواميزالاعيان) ي ا كاله موفق اولدى . و (١١٢٨)
تاريخنده ختم انفاس حيات ايدرك (اسكدار) ده (قرهجه احمد)
مزارستانك (سكودلى چشمه) دنيلن جهتده وديعه خاء فناقيلندى :

آثار تحريرانه لرى :

(١) رواميزالاعيان فى بيان مزاميرالعهود والازمان جلد ٥

(٢) لوامع الثور (مختصر الكتب الستة بحذف المكررات) ٤

(٣) حاشيه على الدرر .

(٤) مرعاة الطريقة المحمدية ومرضاة الشريعة الاحمدية .

(٥) جامع الفصول فى علمى الفروع والاصول .

(٦) مباحج الاخوان ومناهج قوانين الميزان (شرح ايساغوجى) .

(٧) منسك لطيف .

(٨) رساله فى حق المسافرين .

(٩) رساله فى الطب والقيافة .

(١٠) رموزالحقايق وكنوز الدقايق فى الطب .

(١١) بديع النظام فى الجغرافيا .

(١٢) مختصر رواميزالاعيان .

رواميزالاعيان حقهنده تفصيلات

عربى العبارة، بش جلد كبير اوزره مرتب اولان بواثر جسيمك
مؤلف يازيسيله محرر ايكنى طاقندن برى (غلطه) مولونجخانهسى
كتبخانه سنده ، ديكرى (يره باتان) محلله سنده كى (اسعد افندى)
كتبخانه سنده موجود اولوب جلد اعتباريله حاوى اولدينى مندرجاتك
خلاصه فهرستى بوجه آتيدر :

جلد ١ : مناقب العلم وفضائل اهله وتفصيل فنونه وذكر الملائكة
والجن والشیاطین واصنافهم وبيان حقيقة الانسان وتفصيل
الافلاك وما فيها وتفصيل العناصر والارض وما فيها من البحار
والاقايم وما فيها .

جلد ٢ : سير محمد (صلعم) ومناقب اصحابه .

جلد ٣ : مناقب كبار تابعين وائمة محدثين ومناقب امام اعظم وطبقات
اصحابه .

جلد ٤ : مناقب امام مالك وطبقات اصحاب المالكية ومناقب امام شافعى
وطبقات اصحابه ومناقب امام احمد بن حنبل وطبقات اصحابه .

جلد ٥ : طبقات الملوك الجاهلية والملوك الاسلاميه والحكماء والشعرا
وبيان ملل الناس وانجالهم .